

AKASHVANI AIZAWL

REGIONAL NEWS BULLETIN

HEADLINES (EVENING)

- 1. National Commission for Scheduled Tribes Chairman Pu Antar Singh Arya leh a thawhpui ten vawiin khan Larsap, General (Retd) Vijay Kumar Singh leh Chief Minister Pu Lalduhoma an kawm.
- 2. ATL Road siamna sum sorkarin a dah tak avangin Lunglei MZP ten naktuk atanga tiamchin awm lova Total Bandh neih an tum chu thulh a ni.
- 3. Prime Minister Narendra Modia chuan vawiin khan Mumbai-ah World Audio Visual Entertainment Summit (WAVES) 2025 a hawng.
- 4. Thla hmasa April thla chhungin rampumah Goods and Services tax (GST) cheng vaibelchhe nuai 2 sing 3 leh sang 7 chuang lakkhawm a ni.



NCST

Scheduled Tribe-te hmasawnna tur leh an dinhmun chawisan kawnga hmalakna hrang hrangte zirchianga Mizoram rawn tlawhtu, National Commission for Scheduled Tribes (NCST) Chairman Pu Antar Singh Arya leh a thawhpui ten vawiin khan Larsap, General (Retd) Vijay Kumar Singh chu a chenna Raj Bhavan-ah an kawm a.

Larsap chuan Scheduled Tribe dinhmun zirchianga Mizoram rawn tlawhtu NCST te hmalakna lawmawm a tih thu sawiin, Mizoram chu Scheduled Tribe deuh vek chenna state a nih avangin Scheduled Tribe tana hmasawnna leh hamthatna awm theite tha taka kalpui a nih theih nana tanlak a pawimawh thu a sawi a ni.

He hunah hian NCST hotute chuan Mizoram an cham chhunga an thil hmuh hrang hrangte leh zirchianna bakah Mizoram hmasawn nana tul nia an hriatte Larsap hnenah hian an thlen a ni.

Chief Minister Pu Lalduhoma pawh an kawm bawh a, Chief Minister hian, State Review Meeting an buatsaih te, Autonomous District Council an tlawh te chuan Mizoram tan rah tha a chhuah ngei a beisei, a ti a. Chief Minister chuan, ADC ten hmasawnna hna tam zawk an thawh theih nan budget pangai bakah hian Additional Fund hi central sawrkar in siamsak thei se an duh a ti a. Tunah hian Working Women Hostel paruk an sa mek a, Hindi Education chu an ngaipawimawh a, zirnaah three language formula kalpui theih tha an ti tih a sawi a ni.

Commission member te hian Mizoram sawrkarin a lo dawnawm danah lawmthu an sawi a. An ngaipawimawh thil hrang hrang te Chief Minister

hnenah hian thlenin, a tulna apiangah Mizoram sawrkar tanpui tura an inpei
thu an hrilh a ni.

NCST hi an Chairman Pu Antar Singh Arya chuan an rawn ho va,
Commission member Pu Nirupam Chakma, Dr. Asha Lakra leh Pu Jatothu
Hussain te pawh an rawn tel vek a, Commission Secretary Pu Puneet Kumar
Goel leh official pawimawh te an tel bawk.

<><><>

FORMER RS MP DIED

Rajya Sabha MP hlui Ronald Sapa Tlau ruang chu vawiin chawhnu khan
a chenna Aizawl Zonuam veng thlenpui a ni a, zanin lumenpui a ni anga,
naktukah vui a ni ang.

MPCC Vice President nilai Ronald Sapa Tlau hi lung tha lo avangin
AIIMS, New Delhi ah zai a ni a, hlawhtling taka zai ni mahse a taksa in a tlin
loh avangin nimin zing dar 8 khan a thi a, kum 71 mi a ni.

Pu Ronald Sapa Tlau ruang hi vawiin khan Lengpui Airport ah MPCC
member thahnem tak leh a laina hnaiten an lo hmuak a, a chenna inah pawh mi
thahnem takin an lo hmuak a ni.

Amah lo hmuaktu zzinga mi Rajya Sabha MP ni lai Pu K Vanlalvena
chuan a hma chiaha Rajya Sabha MP Pu Ronald Sapa chuan a chhuan thu te
hrilhin ram tana thawk zel turin a fuih a ti a, hetiangha tha taka a lo dawnawn
thin tawhna hian a chawkpur hle tih a sawi a ni.

Pu K Vanlalvena mi tamtakin Pu Ronald Sapan Parliament tualah
ringawt thu a sawi thin tia an puhna chu thudiklo a ni tih a finfiah sak tih
sawiin, Parliament ah hian thahnemngai em em in thu a sawi a, ram leh hnam
vei mi a nih a Chiang em em a, mahni intihlar tum zia a ni lova central sorkarah
poh Mizoram development tana a sulhnu hi a bu a chhuah tham a ni ang, a ti a
ni.

Rajya Sabha MP hlui Pu Ronald Sapa Tlau hi Hualtu, Serchhip District-
a piang a ni a, kum 2014 July thla khan Indian National Congress ticket in
Rajya Sabha MP ah thlan tlin a ni a, kum 2020 July thleng Rajya Sabha MP a
ni a, tunah hian Mizoram Pradesh Congress Committee ah Vice President a ni
bawk.

<><><>

ATL ROAD STIR

Aizawl-Thenzawl-Lunglei road siamna tur sum pawh pen cheng Vbc 44
aia tam cheng Vbc 58.99 an dahna order bakah CRRI mithiamte’n zirchiang
tura ruahmanna an chhawp chhuah leh tuna sawrkar in an sum dah baka a
daih loh chin zawng pawh dah zel a nih tur thu an dawn avangin Lunglei Mizo
Zirlai Pawl chuan Total Bandh neih an tum chu an thulh.

He thu hi sorkar atanga an dawn hnu, chawhnu dar 12:30 khan Lunglei
MZP Hqr President Johan Hmangaihzuale Ralte kaihhruai in thutkhawm
hmanhmawh koh a ni a, sorkar hmalakna avang hian Total Bandh neih tura
ruahmanna ,a lo siam tawh chu an thulh a ni.

Lunglei MZP Hqrs chuan chhim mipuite tana kawng tangkai tak ATL
road chu an siam tirh atanga a tawp thlengin an vil zui zel dawn tiin thuchhuah
an siam a ni.

Hetihlai hian ZPM Southern Hqtrs. chuan thuchhuah siamin ATL Road
siam nan a Vbc 45.89 ruahman fel anih hnuah a bak la awm Vbc 44.89 pawh
pen nia sawi chu Chief Minister Pu Lalduhoma’n CRRI ten Estimate siam se

cheng Vbc. 100 chuang pawh a tul anga Sanction zui leh tura a ruahmanna lo neih chu nghah zawh a nih tak loh avangin Chief Minister chuan cheng Vbc 58.99 a rawn ruahman belh ta a ni an ti a. ATL road siamna tura sum sanction PWD manual angin cheng Vaibelchhe 104leh nuai 88 a ni a, Central Road Research Institute (CRRI) ten Scientific Research an neih theihna tur pawh kalpui chhunzawm zel tur a tih a ni. ATL Road chungchanga Chief Minister Pu Lalduhoma bakah Chhim lam MLA te leh ZPM Party in hma an lakna te leh ATL Road chungchanga rilru leh ngaihtuahna senga veitu zawng zawng leh NGO zawng zawng te chungah lawmthu an sawi tih an sawi a ni.

Aizawl atanga Thenzawl kaltlanga Lunglei panna kawngpui siam nanaa sum dah phut-a lungawilohna lantir hi April ni 28 atanga April ni 30 thleng neih a ni a, motor 190 vel a tang hman a, hetihlai hian kawng dan tur hi sawi lawk anih avangin kawng dan chhung hian Lunglei khawchhungah ei leh in, POL leh LPG lamah harsatna lutuk a la awm chiah lo ni a thudawn a ni.

<><><>

GOVERNOR

'Ek Bharat Shreshtha Bharat' hmalakna hnuaiah Larsap General (Retd) Vijay Kumar Singh-a hovin state 3- Himachal Pradesh, Gujarat leh Maharashtra-te State puitlinga hlankai ni 'Foundation Day' lawmna Raj Bhavan Durbar Hall-ah buatsaih a ni.

Larsap chuan Prime Minister hmalaknaa buatsaih 'Ek Bharat Shreshtha Bharat' chu India rama hnam ziarang hrang hrangte in hriat chianna, leh hnamzia leh chin dan inhlut tawh lehzual theih nana buatsaih a ni tih a sawi a, Himachal Pradesh, Maharashtra leh Gujarat-te an dinchamphaphak pualin duhsakna a hlan a ni.

India ram mawina leh danglam bikna chu a chhunga hnam ziarang leh nunphung hrang hrang neite lungrual taka an chen hona chu a ni a ti a, danglamna nasa tak awm baw mah se, India rama chengte chu a tul huna lungrual taka ke pen ho thei an ni, a ti baw.

He hunah hian Mizoram Larsap chuan state 3 te chanchin tawi tarlangin, Himachal Pradesh chu state mawi leh ngainatawm, hnam ziarang hausa tak nei a nih thu a sawi a. Maharashtra chu state ropui, India ram sum leh pai dehchhuahna hmunpui pawimawh tak, leh chanchin ropui tak nei a nih thu a sawi a. Gujarat state chungchang pawh sawiin, India rama state hmasawn chak leh entawntlak tak, India rama hruaitu ropui tak tak Mahatma Gandhi, Sardar Vallabhbhai Patel leh a dangte lo chhuahna a nih thu a sawi baw a. Kalkhawmte chu heng State pahthumte chanchin, hnam ziarang leh tawngte hriat belh tum turin a chah a ni.

Maharashtra Governor Pu C.P. Radhakrishnan leh Gujarat Governor Pu Acharya Devvrat-te thuchah bakah heng State-te chanchin tlangpui tarlanna video thlir ho a ni a. RIPANS leh Govt. Aizawl West College zirlaite'n hnam lam an entir a. Hemi hnu hian Larsap hian hemi puala kalkhawmte hi Banquet Hall-ah kawmin hun an hmang ho a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

WAVES I&B MINISTER

Union Information and Broadcasting Minister Ashwini Vaishnaw chuan WAVES chuan eibar zawna kawngah remchanna thar a siam ang tih a sawi. Vawiina WAVES 2025 hawnnaah he thu hi sawiin Pu Vaishnaw chuan thil siamchhuak thinte tan thiamna thar pawkchhuahna hun tha a pe ang tih a sawi a. Thil siam chhuaktute leh a lo leitute bakah sum thawhtute nen intawhkhawmna hun tha tak anih thu a sawi bawk a ni.

Maharastra Chief Minister Devendra Fadnavis pawhin thusawiin India chuan media leh entertainment lamah khawvel hmahruaitu ni tura a inpeih tawh thu a sawi a. India leh Maharastra tan entertainment atanga sum hmuh chu ram hmasawna nawrkaltu pawimawh tak a ni a ti bawk.

<><><>

WAVES

Prime Minister Narendra Modia chuan vawiin khan Mumbai-ah World Audio Visual Entertainment Summit (WAVES) 2025 a hawng. Jio World Convention Centre-a inkhawmah thusawiin PM Modia chuan tun hun hi thil thar chin chhuah kawngah India tan khawvel hmahruaitu nih theihna hun tha a ni a ti a. Pu Modia chuan WAVES tih chu thu lamtawi mai nilovin hnam ziarang, thil thar siamchhuahna leh inpawhtawna fawn vel anih thu a sawi a. Artist te ngaihtuahna thar leh thil siamchhuaktute thiamna chawilarna dawhsan anih thu a sawi bawk a. Khawvel hmun hrang hrang atangin he summit hian mi thiam leh langsar tak takte a hip dawn a ni a ti bawk.

Ni 4 chhung awh tur he Summit ah hian global media dialogues, buyer-seller meets, pitch sessions te leh intihhlimna hrang hrang phochhuah a ni ang.

<><><>

GST

Thla hmasa April thla chhungin rampumah Goods and Services tax (GST) cheng vaibelchhe nuai 2 sing 3 leh sang 7 chuang lakkhawm a ni a. Nikum April thla nena khaikhinin zaa 12.6 a ni. Sawrkar thuchhuah danin April thla chhunga sawrkar laipuiin GST a khawn tlingkhawm chu cheng vaibelchhe sing 4 sang 8 leh 634 a ni a. State sawrkar ten GST an khwnkhawm hi cheng vaibelchhe sing 5 sang 9 leh 372 a tling bawk a ni.

<><><>